



Na osnovu člana 64. stav (1) tačka b), člana 70., a u vezi člana 32. stav (6) Zakona o javnim nabavkama („Službeni glasnik Bosne i Hercegovine“ broj 39/14, 59/22, 50/24) i člana 18. Poslovnika Centralne izborne komisije Bosne i Hercegovine („Službeni glasnik BiH“ br. 29/18 i 25/20), na preporuku Komisije za javne nabavke od 06.08.2026. godine, Centralna izborna komisija Bosne i Hercegovine je na 49. sjednici održanoj 13.08.2026. godine, **d o n i j e l a**

O D L U K U **o izboru najpovoljnijeg ponuđača**

- (1) Okvirni sporazum za nabavku usluga interneta i povećanja jačine brzine interneta za potrebe Centralne izborne komisije BiH, dodjeljuje se ponuđaču **"LOGOSOFT" d.o.o. Sarajevo.**
- (2) Ponuda ponuđača iz stava (1) ove odluke zadovoljava sve uslove utvrđene u predmetnom otvorenom postupku.
- (3) Ponuđaču iz stava (1) ove odluke, će biti dodjeljen okvirni sporazum na ukupnu vrijednost u iznosu od **20.000,00 KM bez PDV-a, odnosno 23.400,00 KM sa PDV-om**, na period do dvije godine.
- (4) Okvirni sporazum će se dodijeliti u skladu sa elementima Ponude, te uslovima i kriterijima utvrđenim u obavještenju o nabavci i Tenderskoj dokumentaciji.
- (5) Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem konkurentskog zahtjeva za dostavu ponuda. Obavještenje o nabavci objavljeno je na portalu Javnih nabavki, broj obavještenja: 794-7-2-205-3-30/26 od 23.07.2026. godine. U ostavljenom roku za prijem ponuda zaprimljenje su ponude slijedećih ponuđača "Telemach BH" d.o.o. Sarajevo, "BH Telecom" d.d. Sarajevo i "LOGOSOFT" d.o.o. Sarajevo.

Komisija za nabavku imenovana Rješenjem broj: 07-2-16-3-891-2/26 od 03.06.2026. godine izvršila je pregled i ocjenu ponuda (Zapisnik o pregledu i ocjeni ponuda broj: 07-2-16-3-892-8/26 od 06.08.2026. godine je u prilogu ove odluke) i utvrdila da je ponuda ponuđača "LOGOSOFT" d.o.o. Sarajevo. prihvatljiva, budući da je u skladu sa zahtjevima iz predmetne tenderske dokumentacije.

Komisija je uputila preporuku Centralnoj izbornoj komisiji BiH za izbor ponuđača i dodjelu okvirnog sporazuma na iznos od 20.000,00 KM bez PDV-a, odnosno 23.400,00 KM sa PDV-om.

U predmetnom postupku bilo je predviđeno provođenje e-aukcije, u skladu sa Pravilnikom o uslovima i načinu korištenja e-aukcije („Službeni glasnik BiH, broj 80/23“), koja je provedena 06.08.2026. godine u 10:30 sati. Prema pisanoj informaciji Agencije za javne nabavke BiH od 06.08.2026. konstatovano je da je postupak predmetne nabavke „E-aukcijom“ uspješno završen, a u predviđenom terminu bili su pozvani da učestvuju u „E-aukciji“ slijedeći ponuđači "Telemach BH" d.o.o. Sarajevo, "BH Telecom" d.d. Sarajevo i "LOGOSOFT" d.o.o. Sarajevo. Izvještaj o toku i završetku „E-aukcije“ u predmetnom nadmetanju sačinjen dana 06.08.2026. godine u 12:21 časova potvrđuje da je konačna rang lista ponuđača koji su učestvovali u „E-aukciji“ slijedeća: 1. "LOGOSOFT" d.o.o. Sarajevo sa konačnom cijenom od 20.000,00 KM bez PDV-a, 2. "Telemach BH" d.o.o. Sarajevo sa konačnom cijenom od 20.600,00 KM bez PDV-a i "BH Telecom" d.d. Sarajevo sa konačnom cijenom od 36.397,92 KM bez PDV-a.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom u roku od pet (5) dana od dana prijema ove odluke.

Broj: 07-2-16-3-892-10/26
Sarajevo, 13.08.2026. godine

Dostavljeno:

1. Ponuđaču
2. Odsjeku za materijalno finansijske poslove
3. web stranicu CIK BiH
3. a/a

Predsjednik

Jovan Kalaba

